



Tomas Lerøy
Hoplandssjøen 47
5943 AUSTRHEIM

Referanser:
Dykkar:
Vår: 20/14833 - 20/58422

Saksbehandlar:
Øystein Hafnor Kolstad
oystein.hafnor.kolstad@alver.kommune.no

Dato:
17.09.2020

Landbrukssak gbnr 156/3 Austrheim - Svar på søknad om bygging av landbruksveg

VEDTAK:

Med heimel i forskrift om planlegging og godkjenning av landbruksveier gjev Alver kommune v/felles landbrukskontor Tomas Lerøy løyve til bygging av omsøkt veg på gbnr 156/3 Austrheim.

- Dersom det kjem fram kulturminner under arbeida med vegen må alt arbeid stogkast og Vestland fylkeskommune varslast.**
- Vegen skal byggast som ømsøkt.**

Vedtaket er gyldig til 30.09.2023. Om ikkje arbeida er sett i gong innan frist for løyve, fell løyvet bort jf. Forskrift 2015-05-28-550, paragraf 3-2

Saka gjeld

Tomas Lerøy ynskjer å bygga ca 930 meter med landbruksveg i vegklasse 4 på eigedommen 156/3 i Austrheim kommune. Vegen skal gje tilkomst til beite og dyrkamark. Vegen vil i tillegg vera kjærkommen når ei eventuell nydyrking kjem i gong. Det er planlagt å anlegga massetak langs traseen og nytta massane i vegen.

VURDERING:

Planlagt veg vil gje driftsfordelar og gjera arealet meir tilgjengeleg for jordbearbeiding og drift.

Prinsippa i §§ 8 –1 2 i naturmangfaldslova er lagt til grunn ved vurdering av vedtaket. Det er særleg vektlagt berekraftig bruk og vern av naturmangfaldet der den samla belastninga for økosystemet vert vurdert både på staden og sett i ein større samanheng. Kommunen har sjekka areala i Naturbase og artsdatabanken og det er ikkje kjende registreringar av viktige naturtypar, raudlista eller sårbare artar i området. Saka har vært på høyring hos Vestland fylkeskommune og hos Fylkesmannen i Vestland.

Sjå svar frå fylkeskommunen under:

Vi viser til brev datert 03.09.20 med ovanfor nemnde sak til fråsegn. Seksjon for kulturarv i Vestland fylkeskommune har vurdert saka som regionalt kulturminnemynde. Saka gjeld bygging av landbruksveg på Austrheim i Austrheim kommune.

Vi har i dag ikkje kjennskap til automatisk freda kulturminne eller andre verneverdige kulturminne som kjem i konflikt med tiltaket. Vi har difor ingen avgjerande merknader i saka, utover at ein under opparbeiding av feltet søker å unngå inngrep i/skade på eventuelle kulturlandskapstrekk som steingardar, eldre vegar/stiar, bakkemurar, tufter m.m.

Elles gjer vi merksam på meldeplikta etter kulturminnelova § 8, 2. ledd. Dersom automatisk freda kulturminne som gjenstandsfunn, flekkar med trekol eller konstruksjonar blir avdekt under gjennomføring av tiltaket, må dette straks meldast til Vestland fylkeskommune, og alt arbeid stansast til rette forvaltingstyresmakt har vurdert funnet. Slik gransking vil verta utført mindre enn tre dagar etter at vi har fått melding om mogelege funn.

Sjå svar frå Fylkesmannen i Vestland:

Vi ser at ein del av vegen er planlagt lagt over myr. Dette er eit større samanhengande myrområde, dels med djup myr, og vi går ut fra at vegkryssing over myra er planlagt gjennomført med bruk av duk og geonett, på ein måte som gjer at myra ikkje blir "tatt hol på" og som gjev så lite inngrep i myra som mogleg. Ut over dette har vi ikkje miljøfaglege kommentarar til søknaden.

Fylkesmannen har ikkje oppdatert informasjon om nydyrkingstillatelsar, kart eller informasjon om naboeigedommar der myra allereie er punktert. Ein må visa omsyn til areala rundt så naturinngrepa vert så små som mogleg.

Regelverk

Søknad om bygging av landbruksveg er handsama etter Forskrift om planlegging og godkjenning av landbruksveier, FOR 201 5-05-28-550, og etter Naturmangfaldlova der vegen kan påverke natur-eller miljøverdiar i området.

Mynde

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

Klage

Vedtaket er eit enkeltvedtak etter reglane i lov om offentlig forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker, jf. fvl § 29 (1). Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ved all vidare kontakt i denne saka, ver venleg og referer til saknr.: 20/14833

Med vennleg helsing
Alver kommune, Landbruk

Kjartan Nyhammer
Avdelingsleiar

Øystein Hafnor Kolstad
rådgjevar

Dette dokumentet er elektronisk godkjent og har difor ingen signatur.

Vedlegg:

Kulturminnefagleg fråsegn- Søknad om bygging av landbruksveg - Gnr. 156, bnr. 3 - Austrheim - Alver
kommune
AcosSvarInn.xml

Kopi til:

Austrheim kommune

Sætremarka 2

5943

AUSTRHEIM

Mottakarar:

Tomas Lerøy

Hoplandssjøen 47

5943

AUSTRHEIM